

Ka ovel tumen baro afekti te dingjen tumaro hango ko – regionalno alusaribe!

Ko 11 september 2022 i avaziba o regionalno sovet ko Västra Götaland. O regionalno avaziba isi afekti ko aktivnostija so o Västra Götalandsregionen upravinena, soske ov i upravimo kotaro političko odluke so anena o političarija so i birime kotaro narodo. O izbor ka ovol isto vreme sar o izborija ko parlamenti hem o opštinsko sovet ki komuna.

Baši so kerelapes buti ko regionalno alusariba?

O regionalno alusariba ko Västra Götaland kerelapes buti baši asavke bukja so odnosinenapes ko svakodneвно dživdipa/životo. Sar npr. keda dobineja medicinsko pomoč ki bolnica, ambulanta ili ki narodno stomatolško zaštita, ili keda vozineja tut avtobuzeja, ko tramvaj, vozeja. Isto keda džaja ki botaničko gradina Göteborgs Botaniska trädgård, Geteborgsko Opera Göteborgs Operan hem but muzeja ko Västra Götaland. Akava i o oblastija so o Västra Götalandsregionen i odgovorno. Oblastija sar zdravstvo-hem medicinsko nega, kolektivno saobrakaj, kultura, pretprijatie hem inovacija, o than kote so bešeja, manušengere prava hem e narodoskoro sastiba. Odova, hem panda but bukencar, kerela buti ko Västra Götalandsregion i 55.000 zaposlime. E aktivitetencar upravinena o 1.100 političarija, kola so tu hem amen so bešaja ko Västra Götaland šaj te birina.

Savo afekti šaj te ovol tute?

Dali glasingjangan ko regionalno izborija ka ovol afekti sar ka upravinelpes o Västra Götaland regioni hem sar ka uprebinenpes te phare so platineja porezi. Tu glasineja odole partijake hem odole političarengje kola so tu mislineja valjani te vodinen i buti ko Västra Götaland regiononi štar berš anglal. Odola partije so dobinena hembut glasija ka dobinen hembut thana ko regionalno sovet, ko Västra Götalandsregionen so anelapes i odluka ko hembaro nivo. O regionalno soveti anela odluka baši o opšto pučiba sar npr porezija, budzeti hem sar o aktivnostija ka razviinenpes.

Koj šaj te glasinel ko regionalno izborija?

- Tu so pergjan 18 berš hemkasno dži ko dive glasibaskoro hem so sijan registririme ko regioni

Hem te sijan;

- Državjani ki Svedska, ko javer EU-phuvja, Island ili Norveška
- Ili te sijan državjani ko javer phuv hem sijan registririme ki Svedska trin berš redoja dži o dive angleder te glasinelpes.

Pobut informacija ka arakhe ko www.vgregion.se/regionval

